



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

XCVII. Ioannes LXXI. Arch. XXVI. Elector.

[urn:nbn:de:hbz:466:1-64326](#)

Pontifici palam refragari non sunt veriti. At discussa tandem
hac tempestate universae Ecclesiæ maxima, Jacobus Jubilei ergo
Romam profectus, dum rediit, Academiæ Coloniensium mo-
re & ritu formandæ animum applicuit. Ubi dein Nicolao V.
Pont. & Friderico Imperatore annuentibus, supremam Metensis
Ecclesiæ curam, pro levanda suæ dioecesis inopia, in se suscepit,
morbo correptus, apoplexiæ tandem succubuit an. 1456. Elector
Dei Religionisque cultui impensè deditus. Sed. an. 17.

XCVII. IOANNES LXXI. ARCH.

XXVI. ELECTOR.

Joannes Marchio Badensis à dissidentium in electione Cano-
nicorum parte dum postulatur, admittitur ab omnibus. In
eodem virtus eximia, & dispensatio Romana ætatis defectum
supplevère: Calistus nimirum III. Pallium, Fridericus vero con-
sueta in Imperio Electoribus insignia Joanni concesserunt. Ita
confirmatus & exornatus, ut Trevirensem Senatum populumque
devotum sibi redderet, consulum legendorum potestatem eidem
& ipse non negavit; unde velut in triumpho 2500. equitum Tre-
viros advenienti sacramentum cives dixerunt, institutis epulis
lautissimis, & adornatis ludis equestribus. Academiæ deinde
penitus absolvendæ, & Doctribus instruendæ strenuam navavit
operam: anno namque Archiepiscopatus 16. Salutis 1472. Actus,
ut vocamus, Universitatis publicus omnium primus est celebratus, quo Archiepiscopus
Trevirensis Cancellarius Academiæ perpetuus, Conservatores vero Praepositus ædis summae,
Abbas S. Mathiae & Prior Carthusæ, ac demum Rector Nicolaus Raemdonckus renun-
tiatus est. Ius protectionis civitati duobus aureorum millibus Ioannes Elector transcripsit.
Hæc Masenius. An. 1473. Fridericum Imperatorem cum Maxi-
miliano filio, & Carolum Burgundorum Ducem cum plurimum
Ducum ac Principum numero exceperit, ubi actum de conjugio
Maximilianum inter & Mariam Caroli Duci filiam ineundo. Le-
gatus ea in re Gandavum missus, ac inde Treviros reversus, gra-

vi cum Manderscheidiis Comitibus urbem bello implicitam ritè composuit. Reparandis etiam ædificiis variis intentus, Ecclesiasticam simul disciplinam erexit. An. 1488. bellum Schöneci Superioris, & Bilsteinianæ ditionis causâ à Palatino & Virneburgiis Comitibus motum, Joannem quoque ad sumenda arma excitavit, intercessione tamen Virorum Principum nova pace compositum. Parùm æquo tamen bello se impeditum fuisse, commentario juris sui edito luculenter docuit. A bellis otium naētus, Sacerdotum quorumvis emendandis moribus operam dedit, Synodo hanc in rem Treviris indicta. Correctionem etiam admittere adacta sunt Monasteria diversa, ut emendationem acciperent. Eadem ætate Boppardia urbs privilegiis ab Archiduce Maximiliano confirmatis freta, & nobilium quorundam instinctu irritata, rebellionem est molita, sed anathematis fulmine percussa haud manus dedit. Quare Archipræsul vicinorum Principum ope nixus, obsidione cinctam civitatem ad obsequium reduxit. Anno 1499. cùm in arcem Cochimensem divertisset, conclavi pulvis pyreus de industria subjectus & accensus, unā cum ædifici partē Electorem in auras evibravit, non absque miraculi extimatione servatum. Annis eo ex tempore duobus duntaxat vixit, mortuus an. 1501. Sed. an. 47.

S E C U L U M XVI.

**XCVIII. IACOBVS II. LXXII. ARCH.
XXVII. ELECTOR.**

Jacobus II. stemmate Marchio Badensis, Joannis Electoris nepos, Alexandri VI. Pontificis autoritate invitis Canonicis Archipræsul est missus, & ab iisdem admissus denique, postquam Georgius Rheni Comes Palatinus Jacobo oppositus suo cessit jure. Jacobus igitur iam undique in Solio firmatus, Tre-

virorum